

Ba Diretór Institutu Nasionál Saúde **Antonio Bonito**, Komandante Misaun *Pacific Partnership* Kapitaun **Randy Van Rossum**, ami-nia parseiru-sira iha governu lokál no nasionál, membru comunidade-sira, no klaru, F-FDTL CAS nia enjeñeiru-sira no Estados Unidos Amérika nia Forsa Navál Seabees. Boatarde.

Primeiru, favór mai hamutuk ho ha'u ita basa-liman ba membru-sira banda Forsa Navál Estados Unidos nian tanba sira toka inu nasionál-sira Estados Unidos Amérika no Timor-Leste nian ho inspiradora no furak tebes.

Ha'u kontente mai iha ne'e ohin ho ita-boot-sira hotu iha lansamentu ba Institutu Nasionál Saúde nia instalasaun foun.

Ha'u hakarak agradese Estados Unidos Amérika nia Forsa Navál Seabees husi Naval Mobile Construction Battalion FOUR (NMCB 4) no Amphibious Construction Battalion ONE (ACB 1), ne'ebé sei serbisu hamutuk ho F-FDTL CAS nia enjeñeiru-sira iha projetu ida ne'e.

Instalasaun ne'e maka projetu ba Dasia-nulu-resin-lima (95th) ne'ebé Estados Unidos Amérika nia Forsa Navál Seabees hala'o ona iha Timor-Leste dezde tinan rihun-rua-sia (2009).

Seabees kontinua sai hanesan parte-ida husi símbolu-sira ne'ebé vizível no duradoura iha parseria entre Estados Unidos Amérika no Timor-Leste.

Kooperasaun kontínua entre Seabees, Ministériu Negósiu Estranjeiru Estados Unidos Amérika nian, USAID, Ministériu Sáude, Institutu Nasionál Saúde, no parseiru-sira seluk sei importante tebes ba projetu ne'e nia susesu.

Defaktu, parseria maka sentru husi ita-nia servisu hotu-hotu no razaun tansá ita hala'o Pacific Partnership iha rejiaun Indo-Pasífiku.

Pacific Partnership tinan rihun-rua-sanulu-resin-sia (2019) kompostu husi treinamentu médiku oin-oin, troka koñesimentu entre profisionál-sira, no envolve ho comunidade-sira iha Dili, Ermera, no Liquiça.

Liuhusi serbisu-hamutuk ho ami-nia aliadu-sira, amigu-sira, no parseiru-sira, ami hatene katak Pacific Partnership no ami-nia esforsus hotu-hotu iha futuru sei hetan susesu.

Dala ida tan obrigada barak!